



Broj: T18 0 KT 0017373 24
Brčko 25.10.2024. godine

OPTUŽNICU

Protiv:

REDŽE ČOKIĆ rođen1951. godine [...]

Što je :

Večeri 10.12.2023. godine u Brčkom oko 18,00 časova u ulici ... broj 81, gdje u porodičnoj kući sasvim zasebno svako za sebe žive R. i njegova bivša supruga Č. D., sa kojom je dugi niz godina u jako lošim odnosima i izrazitoj netrpeljivosti i unatoč tome što žive unutar iste stambene jedinice, pa te večeri kada je R. zbog svoje bolesti izašao u ljetnu kuhinju u dvorištu da bi sebi zamjenio kateter koji redovno nosi, D. ubzo došla za njim, gdje je počela da ga vrijeđa, pa su stupili u međusobni verbalni sukob, u kom momentu je R. nalazeći se tada u stanju bitno smanjene uračunljivosti kao osoba sa psihopatskom crtom ličnosti sa antisocijalnim karakteristikama,neurotičnosti i emocionalnom hladnoćom, a u kom momentu je zapao i u stanje jake afektivne razdraženosti i bijesa koji osjeća prema D., pa zgrabio duži čvrsti drveni kolac kojim je D. naglo počeo njime zadavati jake udarce po glavi i tijelu, čineći to u ljetnoj kuhinji, pa tokom njenog bježanja na ulaznom pragu, kao i u hodniku kuće, gdje ju je oborio na pod usljed konstantnog udaranja, a potom u stvorenoj i očitoj svojoj namjeri da D. liši života, što je i htio, dok je ležala na podu, zadavao joj snažne i višekratne udarce nazuvenim stopalom direktno u njen otvoreni dio lica kao i glavu a istovremeno u cilju svoje namjere, snažno je pritiskao i gnječio nazuvenim stopalom na način da joj se jednom nogom popeo na glavu, odnosno svu svoju težinu tijela podizanjem druge noge prebacio na nogu kojom ju je u besprekidnim intervalima pritiskao na cijelu površinu lica, što je intezivno trajalo skoro 20-ak minuta, a onda izašao na ulaz, mirno ispušio cigaretu i dodatno olupao o stepenište D. mobilni telefon koji je prethodno tokom udaranja odbacio od nje da ne bi mogla zvati u pomoć, pa se nakon toka ponovo vratio do D. bespomoćnog tijela, gurajući je nogom da vidi da li još uvijek reaguje, a kada je primjetio da diše, zadao joj nekoliko udaraca nogom u grudni dio tijela i stomak gdje su svi vitalni organi, pa kada je bio siguran da ju je dokrajčio, bez imalo panike, nogom ugurao njeno tijelo u hodnik i zaključao ulazna vrata, pri čemu je D. nanio veći broj ozlijeđa koje u zbiru predstavljaju teške tjelesne povrede i to u vidu brojnih i izrazitih krvnih podliva kože lica i čela obostrano, podliva hrbta nosa te bratka, kao i ruku, manji krvni podliv jezika, prelom III -eg, do V-og lijevog rebra, sprijeda u srednjoj dojkinjoj liniji, prelom II-og lijevog rebra sa pomjeranjem ulomaka po dužini uz deformaciju gornjeg dijela grudnog koša uz minimalan izliv krvi u grudnu duplju, prelom unutrašnjeg epikondila lijeve ramene kosti, potres mozga, laceracije/prskotine kože desnog tjemeno-potiljačnog predjela glave, fokalnu leziju tkiva jetre uz falciformini ligament,a potom i pored svega što je izazvao, ne zoveći hitnu pomoć, otišao u šupu gdje je pripremio konopac koji bi bio pogodan za vješanje, kako bi navodno policiji koja je ubrzo došla prikazao da je imao namjeru počinuti suicid, a što je uspjelo alarmirati policiju pozivom njihovog sina E. koji je preko mobilnog telefona, a povezan za zaštitnom kamerom na kući ispratio ovaj inkriminisan događaj, nakon čega je D. hitno prebačena u bolnicu, te zbog svih povreda i oštećenja organa duže vremena zadržana na odjelu intenzivne njege

dakle, pokušao drugog lišiti života

čime je, počinio krivično djelo - Ubistvo - u pokušaju- iz člana 163. stav 1. u vezi sa članom 28. Krivičnog zakona Brčko distrikta BiH

[...]

Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.
